

ՀԱՇՎԵՔՆՆԻՉ ՊԱԼԱՏԻ

2023 թվականի ֆինանսատնտեսական գործունեության ամփոփ նկարագրի վերաբերյալ
(վերլուծական մաս)

Ամփոփագիր

Հաշվեքննիչ պալատը հաշվետու տարում իրականացրել է 52 հաշվեքննություն՝ դրանց արդյունքների վերաբերյալ Ազգային ժողովին և հանրությանը ժամանակին տրամադրելով մասնագիտական ու անկողմնակալ տեղեկատվություն: Հաշվեքննիչ պալատի գործունեության ծրագրի 1-ին մասում նախատեսված 40 հաշվեքննությունների իրականացման արդյունքում Սահմանադրության և օրենքների համաձայն ձևավորվել ու Ազգային ժողովին է ներկայացվել և հրապարակվել ՀՀ 2022 թվականի պետական բյուջեի կատարման տարեկան հաշվետվության վերաբերյալ Հաշվեքննիչ պալատի եզրակացությունը: Հաշվեքննիչ պալատի գործունեության ծրագրի 2-րդ մասում, ռիսկերի վրա հիմնված մեթոդաբանության համաձայն ներառված ծրագրային կետերով նախատեսված հաշվեքննությունների արդյունքները, նույնպես ներկայացվել են Ազգային ժողով և հանրությանը:

Հիմնական մաս

Հաշվեքննիչ պալատի գործունեության նպատակն է նպաստել հանրային կառավարման որակի բարելավմանը՝ հանրային ֆինանսների և սեփականության ոլորտում հաշվեքննությունների արդյունքում Ազգային ժողովին և հանրությանը հանրային կառավարման օրինականության ու արդյունավետության վերաբերյալ ժամանակին, մասնագիտական և անկողմնակալ տեղեկատվություն ներկայացնելու միջոցով:

Հաշվեքննիչ պալատն իր գործունեության նպատակների իրագործումն ապահովելու համար իրականացնում է՝

- հաշվեքննություններ

- պետական և համայնքների բյուջեների նկատմամբ,
- հանրային սեփականության կառավարման նկատմամբ,
- ստուգումներ իրավաբանական անձանց մոտ (օրենքով սահմանված դեպքերում և կարգով):

Հաշվեքննիչ պալատն իր գործառույթներն իրականացնելու նպատակով յուրաքանչյուր տարի հաստատում է գործունեության ծրագիր մեկ տարվա համար՝ հաշվեքննիչ պալատի նախորդ գործունեության ծրագրի ավարտման ժամկետից առնվազն մեկ ամիս առաջ: Գործունեության ծրագրի արդյունքները ներկայացվում են ՀՀ Ազգային ժողովին և հրապարակվում են պաշտոնական կայքում (բացառությամբ օրենքով սահմանված գաղտնիք պարունակելու դեպքերի), հետևյալ պարբերականությամբ.

- Ընթացիկ եզրակացություններ – հաստատվելուց հետո 3 աշխատանքային օրվա ընթացքում,
- Նախորդ տարվա պետական բյուջեի կատարման վերաբերյալ եզրակացություն – կառավարության կողմից պետական բյուջեի կատարման վերաբերյալ հաշվետվությունն Ազգային ժողով ներկայացնելուց հետո՝ մեկ ամսվա ընթացքում,
- Նախորդ տարվա գործունեության տարեկան հաղորդում – մինչև հունիսի 1:

Հաշվեքննիչ պալատը հաշվետու ժամանակահատվածի համար սահմանել է հաշվեքննությունների վերաբերյալ արդյունքային (ոչ ֆինանսական) ցուցանիշներ:

Քանի որ Հաշվեքննիչ պալատի գործունեության ծրագրի պլանավորման և կատարման ժամանակացույցը չի համընկնում բյուջեի պլանավորման և կատարման հաշվետու ժամանակաշրջանի հետ, հաշվետու տարվա արդյունքային ցուցանիշներում ներառվում են ինչպես նախորդ տարվա գործունեության ծրագրով պլանավորված և հաշվետու տարում ավարտված, այնպես էլ՝ հաշվետու տարում պլանավորված և նույն տարում ավարտված հաշվեքննության արդյունքները:

Հաշվետու տարում պլանավորվել է իրականացնել 55 հաշվեքննություն, որից 40-ը՝ գործունեության ծրագրի 1-ին մասի (պետական բյուջեի կատարման վերաբերյալ երեք, վեց, ինը և տարեկան հաշվեքննություններ), իսկ 15-ը՝ 2-րդ մասի (ոչսկզբի վրա հիմնված մեթոդաբանությամբ ընտրված հաշվեքննություններ) շրջանակներում:

Հաշվետու տարում փաստացի ավարտվել է 52 հաշվեքննություն (տարբերությունը պայմանավորված է Հաշվեքննիչ պալատի գործունեության ծրագրի վերոնշյալ առանձնահատկություններով), որոնց շրջանակներում՝

Ծրագրի 1-ին մասով հաստատվել է 40 ընթացիկ եզրակացություն, որից՝

- 2022 թվականի գործունեության ծրագրի 1-ին մասով՝ 20,
- 2023 թվականի 1-ին մասով՝ 20:

2022 թվականի գործունեության ծրագրի 1-ին մասի շրջանակներում 2022 և 2023 թվականներին իրականացված հաշվեքննությունների արդյունքներով Հաշվեքննիչ պալատի 2023թ. մայիսի 24-ի թիվ 81-Լ որոշմամբ հաստատվել է 2022 թվականի ՀՀ պետական բյուջեի կատարման վերաբերյալ եզրակացությունը՝ ներառյալ անկախ հաշվեքննության կարծիքը և սահմանված ժամկետում ներկայացվել Ազգային ժողով: 2023 թվականի գործունեության ծրագրի 1-ին մասի շրջանակներում 2023 և 2024 թվականներին իրականացված հաշվեքննությունների հիման վրա 2023 թվականի ՀՀ պետական բյուջեի կատարման վերաբերյալ եզրակացությունն Ազգային ժողով կներկայացվի կառավարության կողմից պետական բյուջեի կատարման վերաբերյալ հաշվետվությունն Ազգային ժողով ներկայացնելուց հետո՝ մեկ ամսվա ընթացքում:

Ծրագրի 2-րդ մասով հաստատվել է 12 ընթացիկ եզրակացություն, որից՝

- 2022 թվականի գործունեության ծրագրի 2-րդ մասով՝ 5,
- 2023 թվականի գործունեության ծրագրի 2-րդ մասով՝ 7:

2022 թվականի գործունեության ծրագրի 2-րդ մասի շրջանակներում 2022-2023 թվականներին իրականացված հաշվեքննությունների արդյունքները ներառվել են ՀՀ հաշվեքննիչ պալատի 2023 թվականի ապրիլի 25-ի թիվ 46-Լ որոշմամբ հաստատված «2022 թվականի գործունեության վերաբերյալ» տարեկան հաղորդման մեջ, որը սահմանված ժամկետում ներկայացվել է Ազգային ժողով:

2023 թվականի գործունեության ծրագրի 2-րդ մասի շրջանակներում հաշվեքննության համար էական նշանակություն ունեցող տեղեկատվության հավաքման և առանձին առաջադրանքների բարդությամբ պայմանավորված 5 հաշվեքննության ժամկետների ավարտը երկարաձգվել է մինչև 2024 թվականի փետրվարի 29-ը:

2023 թվականի գործունեության ծրագրի 2-րդ մասով նախատեսված վերոնշյալ հաշվեքննությունների արդյունքները նախատեսվում է ներառել «2023 թվականի գործունեության վերաբերյալ» տարեկան հաղորդման մեջ, որը կներկայացվի Ազգային ժողով մինչև 2024 թվականի հունիսի 1-ը:

«ՀՀ 2023 թվականի պետական բյուջեի մասին» ՀՀ օրենքով «Հանրային ֆինանսների և սեփականության ոլորտում հաշվեքննություն» ծրագրի շրջանակներում «Հաշվեքննիչ պալատի գործունեություն և հաշվեքննության իրականացման ծառայություններ» միջոցառման համար ծրագրված ցուցանիշը կազմել է 1,037,522.5 հազար դրամ: 2023 թվականի ընթացքում ՀՀ կառավարության 13.07.23թ. թիվ 1184-Ն և 20.07.22թ. թիվ 1225-Ն որոշումներով «Հաշվեքննիչ պալատի գործունեություն և հաշվեքննության իրականացման ծառայություններ» միջոցառման իրականացման համար ծրագրված ցուցանիշն ավելացվել է 40,143.3 հազար դրամով (համապատասխանաբար՝ 5,728.5 և 34,414.8 հազար դրամներով) և 09.11.23թ. թիվ 1955-Ն որոշմամբ՝ պակասեցվել է 1,925.8 հազար դրամով: Նշված փոփոխությունների արդյունքում տարեկան ճշտված պլանը կազմել է 1,075,740.0 հազար դրամ, իսկ դրամարկղային ծախսը՝ 1,019,078.1 հազար դրամ: Միջոցառումը կատարվել է 94.7 տոկոսով կամ 56,661.9 հազար դրամով պակաս, ինչը պայմանավորված է գործուղումների և աշխատանքի վարձատրության գծով ծախսերի տնտեսումներով (համապատասխանաբար՝ 27,303.6 և 20,901.8 հազար դրամ): Գործուղումների գծով ծախսերի տնտեսումն առաջացել է միջազգային համագործակցության շրջանակներում մի շարք միջոցառումների առցանց ձևաչափով անցկացման, ինչպես նաև իրավական բարեփոխումների ընթացքի նախատեսվածից դանդաղ ընթացքով պայմանավորված մասնագիտական կարողությունների զարգացման մի շարք հնարավորությունների չիրացման արդյունքում: Իրավական բարեփոխումների՝ մարդկային ռեսուրսների կառավարման ուղղությամբ դանդաղ ընթացքով պայմանավորված, առաջացել է մասնագիտական թերհամալրվածության ու դրանից բխող աշխատավարձի գծով տնտեսման:

2022 թվականին նույն միջոցառման գծով դրամարկղային ծախսը կազմել է 968,188.3 հազար դրամ: Նախորդ տարվա համեմատ նշված ծախսերը աճել են 5.3 տոկոսով կամ 50,889.8 հազար դրամով, որը, հիմնականում, պայմանավորված է դատարանի վճիռների

բավարարման նպատակով աշխատանքի վարձատրմանն ուղղված լրացուցիչ միջոցների օգտագործմամբ:

«Հաշվեքննիչ պալատի պահուստային ֆոնդ» միջոցառման գծով «ՀՀ 2023 թվականի պետական բյուջեի մասին» ՀՀ օրենքով Հաշվեքննիչ պալատին հատկացվել է 19,291.2 հազար դրամ, որի կատարողականը կազմել է 23 տոկոս կամ 4,435.9 հազար դրամ: 2022 թվականին նշված միջոցառման դրամարկղային ծախսը կազմել է 17,615.6 հազար դրամ: Նախորդ տարվա համեմատ նշված միջոցառման ծախսերը նվազել են 25.2 տոկոսով կամ 13,179.7 հազար դրամով՝ չկանխատեսված ծախսերի նվազման հետևանքով:

«Հաշվեքննիչ պալատի տեխնիկական հագեցվածության բարելավում» միջոցառման գծով «ՀՀ 2023 թվականի պետական բյուջեի մասին» ՀՀ օրենքով Հաշվեքննիչ պալատին հատկացվել է 2,808.0 հազար դրամ, որի կատարողականը կազմել է 73.9 տոկոս կամ 2,076.0 հազար դրամ, որը մրցույթի արդյունքում տնտեսման հետևանք է:

ԳԼԽԱՎՈՐ ՔԱՐՏՈՒՂԱՐ՝



ՎԱՀԳԵՆ ՀԱՐՈՒԹՅՈՒՆՅԱՆ

ՖԻՆԱՆՍԱՏՆՏԵՍԱԿԱՆ ՎԱՐՉՈՒԹՅԱՆ

ՖԻՆԱՆՍԱԿԱՆ ԲԱԺՆԻ ՊԵՏ - ԳԼԽԱՎՈՐ ՀԱՇՎԱՊԱՀ՝



ԳՈՀԱՐ ԶՈՀՐԱԲՅԱՆ